



Broj: 03-16-5-141-29/19
Sarajevo, 12.12.2024. godine

Na osnovu člana 61. Zakona o upravi („Službeni glasnik BiH“, br. 32/02, 102/09 i 72/17), a u skladu sa članom 38. Zakona o platama i naknadama u institucijama Bosne i Hercegovine („Službeni glasnik BiH“, br. 50/08, 35/09, 75/09, 32/12, 42/12, 50/12, 32/13, 87/13, 75/15, 88/15, 16/16, 94/16, 72/17, 25/18, 32/20, 65/20 i 59/22) i odredbama Odluke o načinu i postupku ostvarivanja prava na naknadu državnih službenika za obavljanje poslova drugog radnog mjesta u institucijama Bosne i Hercegovine („Službeni glasnik BiH“, broj 58/09), a nakon dobivene saglasnosti Agencije za državnu službu broj: 02-34-2-1213-1/24 od 22.11.2024. godine, Koordinator za reformu javne uprave donosi

RJEŠENJE
o naknadi za privremeno obavljanje poslova

1. Ubavki Gašević, stručnoj saradnici za donatorsku koordinaciju, finansije, nadzor i evaluaciju, utvrđuje se pravo na naknadu za privremeno obavljanje poslova drugog radnog mjesta državnog službenika - višeg stručnog saradnika za finansije u Jedinici za donatorsku koordinaciju, finansije, nadzor i evaluaciju u Uredu koordinatora za reformu javne uprave, čije poslove imenovana privremeno obavlja u iznosu od 400 KM (slovima: četiristotine konvertibilnih maraka)
2. Pravo na ostvarivanje naknade iz tačke i. ovog Rješenja, imenovanoj pripada počev od 01.11.2024. godine do popune radnog mjesta, a najduže tri mjeseca.
3. Ovo Rješenje će izvršiti Jedinica za materijalno-finansijske i opće poslove.

Obrazloženje

Dana 13.11.2024. godine, Ured koordinatora za reformu javne uprave pri Kabinetu predsjedavajuće Vijeća ministara BiH (u daljem tekstu: Ured) obratio se Agenciji za državnu službu BiH, dopisom broj: 03-16-5-141-24/19, u kome se traži mišljenje, odnosno saglasnost za primjenu člana 38. Zakona o platama i naknadama u institucijama BiH, obzirom da Ubavka Gašević, stručna saradnica za donatorsku koordinaciju, finansije, nadzor i evaluaciju privremeno obavlja poslove drugog radnog mjesta državnog službenika - višeg stručnog saradnika za finansije u Jedinici za donatorsku koordinaciju, finansije, nadzor i evaluaciju u Uredu koordinatora za reformu javne uprave.

Agencija za državnu službu BiH, cijeneći da su ispunjeni zakonom propisani uslovi, u svom dopisu broj: 02-34-2-1213-1/24 od 22.11.2024. godine, dala je saglasnost na osnovu koje Ubavka Gašević, stručna saradnica za donatorsku koordinaciju, finansije, nadzor i evaluaciju ima pravo na naknadu za privremeno obavljanje poslova radnog mjesta drugog državnog službenika – višeg stručnog saradnika za finansije u Jedinici za donatorsku koordinaciju, finansije, nadzor i evaluaciju u Uredu koordinatora za reformu javne uprave, do popune radnog mjesta putem javnog oglasa, a najduže tri mjeseca.

Članom 38. Zakona o platama i naknadama u institucijama BiH propisano je pravo na naknadu u slučaju obavljanja poslova drugog radnog mjesta. Postupak i način ostvarivanja pomenutog prava propisan je Odlukom o načinu i postupku ostvarivanja prava na naknadu državnih službenika za obavljanje poslova drugog radnog mjesta u institucijama Bosne i Hercegovine („Službeni glasnik BiH“, broj 58/09), te shodno članu 3. iste Odluke utvrđena je visina pojedinačne naknade.





Slijedom svega navedenog, donijeto je Rješenje kao u dispozitivu.

Protiv ovog rješenja imenovana ima pravo žalbe Odboru državne službe za žalbe u roku od 8 dana od dana dostavljanja Rješenja.

Dostaviti:

1. Imenovanoj
2. Jedinici za materijalno-financijske i opće poslove
3. U personalni dosije
4. a/a.

